

INUIT ATAQATIGIIT

INATSISARTUNI



3. august 2021

UKA2021/108

UPA2022/108

Inatsisartut Suleriaasianni §36 naapertorlugu Inatsisartut oqallinnissaannik siunnersuut imaattoq matumuuna saqqummiuppara:

**Imigassaarniarnerup pisiniarfinnit avissaartillugu immikkut
imigassaarniarfeqalernissaa pillugu apeqquteqaat aallaavigalugu
oqallinnissamik siunnersuut.**

(Inatsisartunut Ilaasortaq Charlotte Pike, Inuit Ataqatigiit)

Tunngavilersuut:

Imigassaarniarneq ullumikkut pisiniarfinni tamangajanni nunatsinni atuuppoq. Taakkualu pisiniarfiit ulluinnarni nerisassaarniarfinni kioskini allanilu pisiniarfinniinneri pillugit Inatsisartunut oqallisssiamik saqqummiussivunga.

Saqqummiussininni tunngavilersuutigaara imigassat nerisassallu allat ataatsimoortinneri ullutsinni piissusissamisut isigneqaannassanersut eqqarsaatigeqqittariaqaleratsigu. Ulluinnarnimi imigassaarniat takuneqarsinnaasarput ilaatigut pisiniarfiit eqqaaniittut aalakoorlutik iluatsitsiffissarsiortut allaat ilaqtariit meerartallit nerisassarsiniartut takusassarinngisartik naammattoortarpaat inuit pisiniarfiit eqqaanni pisiniartitsiffissarsiortut. Ilaqtariit meeqqallu ulluinnarni tamakku nalaatariunnaassappassuk aqqutissaq tulliulluarsinnaavoq meeqqanik iserfigineqarsinnaanngitsuni pisiniarfimmik imigassaarniarfimmik immikkoortumi pilersitsisoqarneratigut nunatsinni tamani atuuttussamik.

Ulluinnarni inuuniarnikkut imigassaq inuup pisariaqartitaatut taaneqarsinnaanngilaq. Taamaattumik pisiniarfinni ulluinnarni angerlarsimaffitsinni pisariaqartitatta akornanniinneri eqqartugassaqqissivoq sooq imigassat pisiniarfinni nerisassat akornaniittariaqarnersut.

INUIT ATAQATIGIIT

INATSISARTUNI



Nunarsuarmi statistikkini, soorlu WHOp kisitsisaani, takutinneqartarpoq imigassap atorneqarneragut timimut tarnimullu sunniutai kingunerluutigineqartartut annertuut pisartut aammalu ilaqtariippassuit eqqugaasartut. Nunatut inuaqatigiinni imigassap atorneqarnera ulluinnarnilu inuuusuttunut pisariaqartitaq nalinginnaasutut pisiniarfinni takujuaanassappassuk nalinginnaasutut isigineqartuassooq.

Inuuusuttut aqqutissiuuttariaqarpagut eqqartorlugulu imigassap nuannaarniutitut nalinginnaavallaarnerata allanngortinnissaanik. Inuuusuttunut maligassiuisariaqarpugut inersimasutut uagullu inersimasutut maligassaalluartariaqarluta, imigassamut naaggaarsinnaaneq aamma ulluinnarni inuup pisariaqartitaatut isikkoqartikkunnaarnissaanut aqqutissiuussilluta.

Nunani avannarlerni Danmarkilu kisiartaalluta imigassap tuniniarnera nittarsanneqarneralu imak inatsisilinni. Nunani avannarlerni sinnerini imigassaq immikkut pisiarfinni pisiassaavoq, nittarsanneqaranilu, meeqqat inuuusuttuaqqat imigassamik, uatsitulli, atuliaartigineq ajorlutik.

Taakkartukkakka tunngavigalugit, imigassamik ajornartorsiutillit, tamatumalu kingunerisaanik meeqqat eqqugaasartut nunatsinni ikigisassaangimmata, imigassap pisiniarfinni nerisassaarniarfinni tuniniagaanera pillugu oqallisissiaq una saqqummiuppara.

Oqallilluarissi qilanaaraara.

Oqallilluarisi.